

Великая Суббота. Утреня.

Начало полагается в 7 часов ночи (по-современному: в 1 час ночи).

Части службы.



Тропарь, глас 2

Благообразный Иосиф, с древа снем пречистое тело Твое, плащаницею чистою обвив, и вонями во гробе нове покрыв положи.

Слава Отцу и Сыну и Святому Духу.

Егда снизшел еси к смерти, Животе Безсмертный, тогда ад умервил еси блистанием Божества. Егда же и умершие от преисподних воскресил еси, вся силы небесныя взываху: Жизнодавче Христэ Бже наш, слава Тебе.

И ныне и присно и во веки веков. Аминь.

Мирносицам женам, при гробе представ Ангел вопияше: мира мертвым суть прилична, Христос же истления явился чуждъ.

Во время пения тропарей священник исходит царскими вратами на середину храма к Плащанице и, взяв кадило, совершает каждение всего храма.

И начинаем пети непорочны со сладкопением, также по стиху, и похвалы возглашает певец, во глас 5:

Статья первая

Благословен еси, Господи, научи мя оправданием Твоим.

1. Блажени непорочнии в путь, ходящие в законе Господни.

И похвалы, во глас 5:

Жизнь во гробе положился еси, Христэ, и ангельская война ужасался, снизхождение славы Твое.

2. Блажени испытующии свидения Его, всем сердцем взыщут Его.

Животе, како умираеши? Како и во гробе обитаеши? Смерти же царство разрушаеши, и от ада мертвыя возставляеши?

3. Не делающие бо беззакония, в путех Его ходиша.

Величаем Тя, Иисусе Царю, и чтем погребение и страдания Твоя, имиже спасл еси нас от истления.

4. Ты заповедал еси заповеди Твоя сохранить зело.

Меры земли положивый, в малом обитаеши, Иисусе Всецарю, гробе днесь, от гробов мертвыя возставляяй.

5. Дабы исправилися путие мои, сохранить оправдания Твоя.

Иисусе Христэ мой, Царю всех, что ища к сущим во аде пришел еси? Или род отрешити человеческий?

6. Тогда не постыжуся, внегда призрети ми на вся заповеди Твоя.

Владыка всех зрится мертв, и во гробе нóвем полагаётся, истощивый гробы мёртвых.

7. Исповёмся Тебё в правости сёрдца, внегда научíti ми ся судьбám правды Твоея.

Животё во гробе положился еси, Христё, и смёртию Твоею смерть погубил еси, и источил еси мíрови жизнь.

8. Оправдания Твоя сохраню, не остави мене до зела.

Со злодеи яко злодей, Христё, вменился еси, оправдал нас всех от злодейства дрéвняго запинателя.

9. В чесом исправит юнейший путь свой? Внегда сохранíti словеса Твоя.

Красный добротою паче всех человек, яко беззрачен мертв является, естество украсивый всех.

10. Всем сёрдцем моим взысках Тебё, не отрини мене от заповедей Твоих.

Ад како стерпят, Спасе, пришествие Твое, а не паче болéзняет омрачаемь, блистания свёта Твоего зарёю ослеплен.

11. В сёрдце моём скрых словеса Твоя, яко да не согрешу Тебё.

Иисусе, сладкий мой и спасительный Свёте, во гробе како тёмном скрылся еси? О несказаннаго и неизреченнаго терпéния!

12. Благословен еси, Господи, научи мя оправданием Твоим.

Недоумевает и естество умное, и множество безплотное, Христё, таинства несказаннаго и неизреченнаго Твоего погребения.

13. Устнама моима возвестих вся судьбы уст Твоих.

О чудес странных! О вещей новых! Дыхания моего Податель бездыханен носится, погребаемь рукама Иосифовыма.

14. На пути свидений Твоих насладихся, яко о всяком богатстве.

И во гроб зашел еси и недр, Христё, Отеческих никакоже отлучился еси: сие странное и преславное купно.

15. В заповедех Твоих поглумлюся, и уразумею пути Твоя.

Истинный небесé и земли Царю, áще и во грóбе малéйшем заключился еси́, познался еси́ всей твáри, Иису́се.

16. Во оправдáниях Твои́х поучýся, не забúду словéс Твои́х.

Тебé положéну во грóбе, Создáтелю Христé, áдская подвизáшася основáния, и грóби отверзóшася челоуёков.

17. Воздáждь рабу́ Твоему́, живи́ мя, и сохрани́ словеса́ Твоя́.

Зёмлю Содержáй длáнию, умерщвлён плóтию, под землёю нýне содержится, мёртвыя избавляя áдова содержáния.

18. Открый óчи мой и уразумёю чудеса́ от закóна Твоегó.

Из ислéния возшёл еси́ Животé, Спасе мой, Тебé умёршу, и к мёртвым пришéдшу, и сломившу áдовы верей.

19. Пришлéц аз есмь на земли́, не скрый от менé заповеди Твоя́.

Якоже свéта светильник, нýне плоть Бóжия, под зёмлю я́ко под спуд крýется, и отгоняет сýщую во áде тьму.

20. Возлюби́ душа́ моя́ возжелáти судьбы́ Твоя́ на всякое врéмя.

Умных стекаётся во́инств мнóжество со Ио́сифом и Никодíмом, погребсти́ Тя невместíмага во грóбе мале́.

21. Запретил еси́ гóрдим, про́кляти уклоня́ющиися от заповедей Твои́х.

Умерщвлён во́лею, и положён под землёю, жизнотóчне Иису́се мой, оживил еси́ умерщвлéна мя преступлénием гóрьким.

22. Отыми́ от менé понóс и уничижéние, я́ко свидéний Твои́х взыска́х.

Изменя́шеся вся тварь стра́стию Твоею́, вся бо Тебé, Сло́ве, сострада́ху, Содержи́теля Тя ве́дуще всех.

23. Ёбо седóша князи, и на мя клевета́ху: раб же Твой глумля́шеся во оправдáниях Твои́х.

Животá Ка́мень во чрэве приём, ад всея́дец излева́ от вéка я́же поглоти́ мёртвыя.

24. Ёбо свидéния Твоя́ поучéние моё́ есть, и совети́ мой оправдáния Твоя́.

Во грóбе нóве положѣлся есѣ, Христѣ, и естество челоуѣческое обновѣл есѣ, воскрес боголѣпно из мѣртвых.

25. Прильпѣ земли душа моя, живѣ мя по словесѣ Твоемú.

На зѣмлю сшел есѣ, да спасѣши Адáма, и на земли не обрѣт сегó, Владыко, да́же до áда снизшѣл есѣ ищáй.

26. Пути́ моя возвестѣх, и услышал мя есѣ, научѣ мя оправдáнием Твоѣм.

Сотрясѣся страхом, Сло́ве, вся земля, и денница лучѣ скры, величáйшему в земли сокровѣнному Твоемú свѣту.

27. Путь оправдáний Твоѣх вразумѣ ми, и поглумлю́ся в чудеса́х Твоѣх.

Яко челоуѣк úбо умира́еши волею, Спа́се, яко Бог же смѣртныя возстáвил есѣ от гробóв, и глубины́ грехóвныя.

28. Воздрема́ душа́ моя́ от уны́ния, утверди́ мя в словесѣх Твоѣх.

Слезотóчная рыдáния на Тебѣ чѣстая мáтерски, о Иисúсе, накрапля́ющи вопия́ше: ка́ко погребу́ Тя, Сы́не?

29. Путь неправды отстáви от мене́, и за́коном Твоѣм помѣлуй мя.

Якоже пшени́чное зѣрно, заше́д в нѣдра земна́я, многопѣрстный возда́л есѣ клас, возстáвив челоуѣки, яже от Адáма.

30. Путь истины изво́лих, и судьбы́ Твоѣя не забѣх.

Под землею скрѣлся есѣ́ яко со́лнце ны́не, и но́щию смѣртною покровѣн был есѣ́, но возсия́й светлѣ́йше, Спа́се.

31. Прилепи́хся свидением Твоим, Го́споди, не посрами́ мене́.

Якоже со́лнечный круг луна́, Спа́се, сокрыва́ет, и Тебѣ ны́не гроб скры, скончáвшагося смѣртию плóтски.

32. Путь за́поведей Твоих текóх, егда́ разшири́л есѣ́ сѣрдце моѣ́.

Живóт смѣрти вкусѣ́вый Христóс, от смѣрти смѣртныя свободѣ́, и всем ны́не дáрует живóт.

33. Законоположи́ мне, Го́споди, путь оправдáний Твоѣх и взыщу́ ѣ́ вѣ́ну.

Умерщвлѣ́на дрѣвле Адáма завистно, возво́диши к живóту умерщвлѣ́нием Твоим, нóвый, Спа́се, во плóти явлѣ́йся Адáм.

34. Вразуми́ мя, и испыта́ю зако́н Твой, и сохраню́ и́ всем се́рдцем моим.

У́мнии Тя чи́ни, просте́рта ме́ртва зря́ще нас ра́ди, ужа́сахуся, покрыва́еми крилы́, Спа́се.

35. Нача́ви мя на стезю́ за́поведей Твоих, я́ко ту́ю восхотéх.

Снем Тя, Сло́ве, от дре́ва ме́ртва, во грóбе Ио́сиф ны́не положи́, но воста́ни спаса́яй вся я́ко Бог.

36. Приклони́ се́рдце моé во свидéния Тво́я, а не в лихо́имство.

А́нгельская, Спа́се, ра́дость быв, ны́не и печа́ли сим был еси́ вино́вен, ви́димь плóтию бездыха́нен мертв.

37. Отврати́ о́чи мои́, е́же не ви́дети суеты́, в пути́ Твоéм живи́ мя.

Возне́слся еси́ на дре́ве, и живу́щия челове́ки совозно́сиши: под земле́ю же быв, лежа́щия под не́ю воскреша́еши.

38. Поста́ви рабу́ Твоему́ сло́во Твоé в страх Твой.

Я́коже лев, Спа́се, усну́в плóтию, я́ко не́кий скімен мертв воста́еши, отложи́в ста́рость плотску́ю.

39. Оты́ми поноше́ние моé, е́же непщева́х, я́ко судьбы́ Тво́я бла́ги.

В ре́бра прободéн был еси́, ребро́ взéмый Ада́мле, от него́же Ё́ву созда́л еси́, и источи́л еси́ то́ки чистітельны́я.

40. Се возжелáх за́поведи Тво́я, в пра́вде Твоéй живи́ мя.

Та́йно у́бо дре́вле жре́тся а́гнец, Ты же я́ве жрен быв, Незло́биве, всю тварь очісти́л еси́, Спа́се.

41. И да при́дет на мя ми́лость Тво́я, Го́споди, спасéние Твоé по словеси́ Твоему́.

Кто изрече́т о́браз стра́шный войстинну но́вый? Влады́чествуяй бо тва́рию, днесь страсть приéмлет, и умира́ет нас ра́ди.

42. И отвеща́ю поноша́ющим ми сло́во: я́ко упова́х на словеса́ Тво́я.

Живота́ Сокро́вище, ка́ко зрится ме́ртвый? ужа́сающеся А́нгели взыва́ху: Ка́ко же во грóбе заключа́ется Бог?

43. И не отымі от уст моіх словесé істинна до зела́, яко на судьбы́ Твоя́ упова́х.

Копіем прободѣннаго, Спа́се, из ребра́ Твоего́, живо́т животом из живота́ спа́сшаго мя иска́паеши, и живи́ши мя с ним.

44. И сохраню́ зако́н Твой вѣну, в век и в век ве́ка.

Распростѣрт на дрѣве, собрал еси́ челове́ки: в ребра́ же прободѣн, живо́точное всем оставлѣние источа́еши, Иису́се.

45. И хождáх в широтѣ́, яко за́поведи Твоя́ взыска́х.

Благообра́зный, Спа́се, образу́ет стра́шно, и погребáет Тя́ яко мѣртва́ благообра́зно, и ужаса́ется Твоего́ о́браза стра́шнаго.

46. И глаго́лах о свидѣ́ниях Твоих пред ца́рї, и не стыдя́хся.

Под землею́ хотѣнием низше́д яко мертв, возводи́ши от земли́ к небѣ́сным отту́ду па́дшия, Иису́се.

47. И поуча́хся в за́поведех Твоих, я́же возлюбих зело́.

Аще и мѣрत्व виден был еси́, но живы́й яко Бог, возводи́ши от земли́ к небѣ́сным отту́ду па́дшия, Иису́се.

48. И воздвигóх рúце моя́ к за́поведем Твои́м, я́же возлюбих.

Аще и мертв виден был еси́, но жив яко Бог, умерщвлѣ́нныя челове́ки оживил еси́, моего́ умертвѣ́в умертвителя́.

48. И глумля́хся во оправда́ниях Твоих.

О ра́дости о́ныя! О мно́гия сла́дости! Ихже во а́де напóлнил еси́, во днах мра́чных свет возсия́в.

49. Помяни́ словеса́ Твоя́ рабу́ Твоему́, ихже упова́ние дал ми еси́.

Покланя́юся стра́сти, воспева́ю погребѣ́ние, велича́ю Твою́ держа́ву, Человеколю́бче, ими́же свободихся страстѣ́й тлетво́рных.

50. То мя утѣ́ши во смире́нии моём, яко сло́во Твое́ живи́ мя.

На Тя мечь обнажи́ся, Христе́, и мечь крѣ́пкаго ўбо притупля́ется, и мечь же обраща́ется Еде́мский.

51. Го́рдии законопреступова́ху до зела́, от зако́на же Твоего́ не уклонихся́.

А́гница А́гнца зря́щи в заколе́нии, остря́ем пробода́ема рыда́ше, сподви́гши и ста́до вопи́ти.

52. Помяну́х судьбы́ Твоя́ от ве́ка, Го́споди, и утэ́шихся.

Аще и во грóбе погребáешися, аще и во ад и́деши: но и грóбы исто́щил еси́, и ад обнажи́л еси́, Христé.

53. Печáль при́ят мя от грéшник, оставля́ющих зако́н Твой.

Волею́ снизше́л еси́, Спа́се, под зéмлю, умерщвлéнные челове́ки оживи́л еси́, и возвéл еси́ во сла́ве О́тчей.

54. Пéта бя́ху мнé оправда́ния Твоя́ на ме́сте пришéльствия моего́.

Тро́ицы Еди́н во плóти нас ра́ди понóсную претерпé смерть, ужа́сается же со́лнце, и трепéщет зéмля.

55. Помяну́х в но́щи и́мя Твое́, Го́споди, и сохрани́х зако́н Твой.

Я́ко от исто́чника го́рькаго, Иу́дова колéна исча́дия в ро́ве положи́ша, пита́теля маннода́вца Иису́са.

56. Сей бысть мне, я́ко оправда́ний Твои́х взыска́х.

Судия́ я́ко суди́мь пред Пилáтом суди́ею, и предста́, и смéртию непра́ведною осуждён бысть, дрéвом крэ́стным.

57. Часть моя́ еси́, Го́споди, рех сохрани́ти зако́н Твой.

Го́рдый Изра́илю, убийственнии лю́дие, что пострада́вшие, Варáвву свободи́сте, и Спа́са преда́сте Кресту́?

58. Помоли́хся лицу́ Твоему́ всем сéрдцем мо́им, помилуй мя по словеси́ Твоему́.

Руко́ю Твое́ю созда́вый Ада́ма от зéмли, тогó ра́ди естество́м был еси́ Чело́век, и распя́лся еси́ волею́ Твое́ю.

59. Помы́слих пути́ Твоя́, и возврати́х но́зе мо́й во свидéния Твоя́.

Послу́шав, Сло́ве, Отца́ Твоегó, да́же до а́да лю́таго соше́л еси́, и воскреси́л еси́ род чело́веческий.

60. Угото́вихся, и не смути́хся, сохрани́ти за́поведи Твоя́.

Увѣ мене, Свѣте міра! увѣ мене, Свѣте Мой, Иисусе Мой возжеланный!
вопіяше Дѣва, рыдаючи горько взываше.

61. Ужя грѣшник обязахася мне, и закона Твоего не забых.

Завистливи, убійственни и горди людіе, понѣ плащаницы и сударя самаго
да стыдятся, воскресу Христу.

62. Полунощи востах, исповѣдатися Тебѣ о судьбах правды Твоея.

Прииди убо, скверный убійце ученичѣ, и нрав злобы твоей покажи ми, имже
был еси предатель Христов.

63. Причастник аз есмь всем боящимся Тебѣ, и хранящим заповеди Твоя.

Яко человеколюбив некто притворяешься бже, и слѣпе всегубительнейший,
неверный, миро продавый на ценѣ.

64. Милости Твоея, Господи, исполнь земля, оправданием Твоим научи мя.

Небеснаго міра кую имѣл еси цену многоценнаго? Кое приял еси
противодостойное? неистовство обрѣл еси проклятейший сатанѣ.

65. Благодать сотворил еси с рабом Твоим, Господи, по словеси Твоему.

Аще нищелюбец еси, и о мире печалуеши истощаемом во очищение души,
како на златѣ продаеши Светозарна?

66. Благодати, и наказанию и разуму научи мя, яко заповедем Твоим веровах.

О Божий Слове! О радости моя! Како претерплю тридневное Твое погребение?
Ныне терзаюся утробой матерски.

67. Прежде даже не смирити ми ся, аз прегреших, сего ради слово Твое
сохраних.

Кто даст Ми воду и слез источники, Богоневѣстная Дѣва взываше, да восплачу
сладкаго Ми Иисуса?

68. Благ еси Ты, Господи, и благодатию Твоею научи мя оправданием Твоим.

О горы и холми, и человеков множества! восплачтитеся, и вся рыдайте со
Мною, Бога вашего Материю!

69. Умножися на мя неправда гордых, аз же всем сердцем моим испытую
заповеди Твоя.

Когда вижду Тя, Спасе, безлётнаго Света, радость и сладость сердца Моего?
Дева горько вопияше.

70. Усырися яко млекó сердце их, аз же закону Твоему поучихся.

Аще и яко камень, Спасе, краесекóмый, Ты приял еси сечение, но источил еси живую струю, яко Источник сый жизни.

71. Благо мне, яко смирил мя еси, яко да научуся оправданием Твоим.

Яко от источника единаго сугубою рекою ребром Твоим изливающим
напаяющеся, безсмертную приобретаем жизнь.

72. Благ мне закон уст Твоих паче тысяч злата и сребра.

Болею явился еси, Слове, во гробе мертв, но живёши, и человеки, якоже
предрёкл еси, воскресением Твоим, Спасе мой, воздвизаеши.

Слава Отцу и Сыну и Святому Духу.

Воспеваем Слове, Тебе всех Бога, со Отцем и Святым Твоим Духом, и славим
Божественное Твоё погребение.

И ныне и присно и во веки веков. Аминь.

Блажим Тя, Богородице чистая, и почитаем триднёвное погребение Сына
Твоего и Бога нашего верно.

И паки первый припев оба лика вкупе.

Жизнь во гробе положился еси, Христё, и ангельская воинства ужасохуся,
снизхождение славяще Твоё.

Лик: Аминь.

*И начинаем вторую статью, за еже священнику совершати каждое малое
(Плащаницы, иконостаса, предстоящих).*

Статья вторая

Вторый лик поет со сладкопением тропарь во глас 5:

Достойно есть величати Тя Жизнодавца, на Кресте рuce простёршаго, и
сокрушшаго державу вражию.

73. Рuce Твой сотвориште мя, и создасте мя: вразуми мя, и научуся заповедем
Твоим.

Достойно есть величати Тя, всех Зиждителя: Твоими бо страданьми имамы безстрастие, избавльшися тления.

74. Боящиися Тебе узрят мя и возвеселятся, яко на словеса Твоя уповах.

Ужасеся земля, и солнце, Спасе, скрися, Тебе Невечернему Свету, Христе, зашедшу во гробе плотски.

75. Разумех, Господи, яко правда судьбы Твоя, и воистинну смирил мя еси.

Уснул еси, Христе, естественноживотным сном во гробе, и от тяжкаго сна греховнаго воздвигл еси род человеческий.

76. Буди же милость Твоя, да утешит мя по словеси Твоему рабу Твоему.

Едина жен, кроме болезни родих Тя, Чадо, болезни же ныне терплю страстию Твоею нестерпимыя, глаголаше Чистая.

77. Да придут мне щедроты Твоя, и жив буду, яко закон Твой поучение мое есть.

Горе Тя, Спасе, неразлучно со Отцем суща, доле же мертва простерта на земли, ужасаются зряще Серафими.

78. Да постыдятся гордии, яко неправедно беззаконноваша на мя, аз же поглумлюся в заповедех Твоих.

Раздирается церковная завеса Твоим распятием, покрывают светила, Слово, свет, Тебе скрившуся солнцу под землю.

79. Да обратят мя боящиися Тебе, и ведящии свидения Твоя.

Земли изначала едином манием водрузивый круг, бездыханен яко человек зайде под землю: ужаснися видением небо.

80. Буди сердце мое непорочно во оправданиях Твоих, яко да не постыжуся.

Зашел еси под землю, рукою Твоею создавый человека, да воздвигнеша от падения соборы человеческия всеильною державою.

81. Исчезает во спасение Твое душа моя, на словеса Твоя уповах.

Плач священный приидите воспойм Христу умершему, яко древле жены мироносицы, да и радуемся услышим с ними.

82. Исчезоша очи мои в слово Твое, глаголюще: когда утешиши мя?

Міро войстинну есі Ты, Сло́ве, неисто́щимо́е: те́мже Ти и міра приноша́ху, я́ко ме́ртву живо́му, же́ны ми́роно́сицы.

83. Зане́ бых я́ко мех на сла́не, оправда́ний Твои́х не забы́х.

Адова́ у́бо погребѣ́н ца́рствія, Христе́, сокруша́еши, сме́ртию же сме́рть умерщвля́еши, и тле́ния свобождáеши земно́родныя.

84. Коли́ко есть дней раба́ Твоего́? Когда́ сотвори́ши ми от гоня́щих мя суд?

То́ки жи́зни пролива́ющая Бо́жия Прему́дрость, во гроб заходя́щи животвори́т су́щия, в незаходи́мых а́довых ме́стех.

85. Повѣдаша́ мне законопресту́пницы глумле́ния, но не я́ко зако́н Твой, Го́споди.

Да челове́ческое обновлю́ сокруше́нное естество́, уязвлен есмь сме́ртию хотя́ плóтию, Ма́ти Мо́я, не терза́йся рыда́ньми.

86. Вся за́поведи Тво́я исти́на, непра́ведно погна́ша мя, помози́ ми.

Зашѣ́л есі́ под зе́млю Светоно́сец пра́вды, и ме́ртвыя я́коже от сна воздвигл есі́, отгна́в всякую́ тьму су́щую во а́де.

87. Вма́ле не сконча́ша мене́ на земли́: аз же не оста́вих за́поведей Твои́х.

Зерно́ двоера́сленное, естественнोजи́зненное, в бока́ земна́я се́ется со слеза́ми днесь: но прозя́бше, мир радостно́сотвори́т.

88. По ми́лости Твое́й живи́ мя, и сохрани́ свидѣ́ния уст Твои́х.

Убо́яся Ада́м, Бо́гу ходя́щу в рай, раду́ется же ко а́ду соше́дшу, пады́й пре́жде, и ны́не воздвизáемь.

89. Во век, Го́споди, сло́во Твое́ пребывáет на небеси́.

Жрет Тебе́ же́рты слезны́я Ро́ждшая Тя, Христе́, плóтию положѣ́ну во грóбе, вопи́юще: воста́ни, Ча́до, я́коже предрéкл есі́.

90. В род и род исти́на Тво́я, основа́л есі́ зе́млю и пребывáет.

Во грóбе Ио́сиф благоговѣ́нно Тя но́вем сокрывáя, пѣ́сни исходны́я боголе́пныя поёт Тебе́, смешѣ́ныя рыда́ньми, Спа́се.

91. Учинѣ́нием Твои́м пребывáет день, я́ко вся́ческая рабо́тна Тебе́.

Гвоздьми Тя Кресту пригвождена, Мати Твоя, Слове, зрящи, гвоздьми печали горькия пронзает, и стрелами душу.

92. Яко аще бы не закон Твой поучение мое был, тогда убо погибл бых во смирении моем.

Тя всех наслаждение Мати зрящи, питием напаяема горьким, слезами лице омакает горце.

93. Во век не забуду оправданий Твоих, яко в них оживил мя еси.

Уязвляюся люте, и растерзаюся утробою, Слове, зрящи неправедное Твое заколение, глаголаше Пречистая с плачем.

94. Твой есмь аз, спаси мя, яко оправданий Твоих взысках.

Око сладкое, и устне Твой како заключу, Слове? Како же Тя мертволепно погребу? Ужасаюся, вопияше Иосиф.

95. Мене ждаша грешницы погубити мя, свидения Твоя разумех.

Песни Иосиф и Никодим надгробныя поют Христу умершему ныне, поют же с ними и Серафими.

96. Всякия кончины видех конец, широка заповедь Твоя зело.

Заходиши под землю, Спасе, Солнце правды: темже рождающая Тя Луна печальми оскудевает, вида Твоего лишаяма.

97. Коль возлюбих закон Твой, Господи, весь день поучение мое есть.

Ужасеся ад, Спасе, зря Тя Жизнодавца, богатство онаго упражняюща, и яже от века мертвыя возставляюща.

98. Паче враг моих умудрил мя еси заповедию Твоею, яко в век моя есть.

Солнце свет возсиявает по ноци, Слове, и Ты же воскрес, просияваеши по смерти ясно, яко от чертога.

99. Паче всех учащих мя разумех, яко свидения Твоя поучение мое есть.

Земля Тя, Создателю, в недра приемши, трепетом содержима, Спасе, трясется, успивши мертвыя трясением.

100. Паче старец разумех, яко заповеди Твоя взысках.

Міры Тя, Христэ, Никодім и Благообразный, ныне новолéпно помазующе, ужасніся, вопіяху, вся земля.

101. От всякаго путі лукава возбраніх ногам моім, яко да сохранию словеса Твоя.

Зашёл еси, Светотворче, и с Тобою зайдет свет солнца: трепетом же тварь содержится, всех Тя проповедаючи Творца.

102. От судёб Твоих не уклонихся, яко Ты законоположил ми еси.

Камень углаженный, краеугольный покрывает камень, человек же смертный яко смертна, Бога покрывает ныне во гробе: ужасніся, земле.

103. Коль сладка гортани моему словеса Твоя, паче меда устом моим!

Видь ученика, егоже любил еси, и Твою Матерь, Чадо, и вещание даждь сладчайшее, взываше плачущи Чистая.

104. От заповедей Твоих разумех, сего ради возненавидех всяк путь неправды.

Ты, Слове, яко сый живота датель, иудеов, на Кресте прострыйся, не умертвил еси, но воскресил еси и сих мертвых.

105. Светильник ногам моима закон Твой, и свет стезям моим.

Доброты, Слове, прежде не имел еси, ниже вида, егда страдал еси, но воскрес провозсиял еси, удобрив человеки божественными зарями.

106. Кляхся, и поставих сохранить судьбы правды Твоея.

Зашёл еси плотию в землю невечерний Светоносец, и не терпя зрети солнце померче, полудни ещё сущу.

107. Смирись до зела, Господи, живи мя по словеси Твоему.

Солнце вкупе и луна померкше, Спасе, рабом благоразумным образовахуся, иже в черныя одежды облачатся.

108. Вольная уст моих благоволи же Господи, и судьбам Твоим научи мя.

Виде Тя Бога сотник, аще и умертвился еси. Како Тя убо, Боже мой, осяжу рукама? ужасаюся, вопияше Иосиф.

109. Душа моя в руку Твоею вину, и закона Твоего не забых.

Уснѹ Ада́м, но смерть из ребр изво́дит: Ты же ны́не уснѹл еси́, Сло́ве Бо́жий, источа́еши от ребр Твои́х ми́рови жизнь.

110. Положи́ша грѣшницы сеть мне, и от за́поведей Твои́х не заблуди́х.

Уснѹл еси́ ма́ло, и оживи́л еси́ умерши́я, и воскрѣс, воскреси́л еси́ спя́щия от ве́ка, Бла́же.

111. Наслѣдовах свидѣ́ния Тво́я во век, я́ко ра́дование се́рдца моего́ суть.

Взят еси́ от земли́, но источи́л еси́ спасѣ́ния вино́, живото́чная Лозо́: прославля́ю Страсть и Крест.

112. Приклони́х се́рдце моё, сотвори́ти оправда́ния Тво́я в век за воздая́ние.

Ка́ко у́мная чи́нонача́лия Тя, Спа́се, пою́т, на́га, окровавлѣ́на, осужде́на, терпя́ще де́рзость распина́телей?

113. Законопресту́пныя возненави́дех, зако́н же Твой возлюбих.

Обруче́нный, стропо́тнейший ро́де евре́йский, ве́дал еси́ воздвиже́ние хра́ма, почто́ осуди́л еси́ Христа́?

114. Помо́щник мой и Засту́пник мой еси́ Ты, на словеса́ Тво́я упова́х.

Во оде́жду поруга́ния, украси́теля всех облека́еши, И́же не́бо утверди́, и зе́млю украси́ чу́дно.

115. Уклони́теся от мене́ лука́внующи́и, и испыта́ю за́поведи Бо́га моего́.

Я́коже не́ясыть уязвлен в ре́бра Тво́я, Сло́ве, о́троки Тво́я умерши́я оживи́л еси́, иска́пав живото́ныя им то́ки.

116. Заступи́ мя по словеси́ Твоему́, и жив бу́ду, и не посрами́ мене́ от ча́яния моего́.

Со́лнце пре́жде уста́ви Иису́с, иноплеме́нники секи́й: Ты́ же скры́лся еси́, низлагая́ тьмы нача́льника.

117. Помози́ ми, и спасу́ся, и поучу́ся во оправда́ниях Твои́х ви́ну.

Недр Оте́ческих неисхо́ден пребы́в, Ще́дре, и человекъ бы́ти благоволи́л еси́, и во ад снизше́л еси́, Христѣ́.

118. Уничжи́л еси́ вся отступа́ющия от оправда́ний Твои́х, я́ко непра́ведно помышле́ние их.

Взятся распныйся, Иже на водах зѣмлю повѣшей, и яко бездыханен в ней ныне возлегаёт: яже не терпящи трясаешься люте.

119. Преступающия непщевах вся грѣшныя земли, сего ради возлюбих свидѣния Твоя.

Увы Мне, о Сыне, Неискусомужная рыдаше глаголющи: Егже бо яко царя надѣялся, осуждена зрю ныне на Крестѣ.

120. Пригвозди страху Твоему плоти моя, от судѣб бо Твоих убояхся.

Сия Гавриил мне возвести, егда слетѣ, иже Царство вѣчное речѣ, Сына Моего Иисуса.

121. Сотворих суд и правду, не предаждь менѣ обидящим мя.

Увы, Симеоново совершися пророчество: Твой бо меч пройде сердце Моѣ, Еммануиле.

122. Восприими раба Твоего во благо, да не оклеветают менѣ гордии.

Понѣ сущих от мѣртвых постыдитесь, о иудее! ихже Животодавец возстави, Егже вы убисте завистно.

123. Очи мои исчезосте во спасѣние Твое, и в слово правды Твоея.

Ужасѣся видевшее, Невидимый Свете, Тебѣ, Христѣ мой, во гробѣ сокрываема, бездыханна же, и помрачи солнце свет.

124. Сотвори с рабом Твоим по милости Твоей, и оправданием Твоим научи мя.

Плакаше горько Пренепорочная Мати Твоя, Слове, егда во гробѣ виде Тебѣ неизреченнаго и безначальнаго Бога.

125. Раб Твой есмь аз, вразуми мя, и увѣм свидѣния Твоя.

Мѣртьвость Твою, нетлѣнная, Христѣ, Мати Твоя зрящи, горько к Тебѣ вещаше: не косни, Животѣ, в мѣртвых.

126. Время сотворити Господеви, разориша закон Твой.

Ад лютый потрепетѣ, егда Тя виде Солнце славы, Безсмертне, и издаваше юзники тщательно.

127. Сего ради возлюбих заповѣди Твоя паче злата и топазия.

Вѣлие и ужасное видѣние ныне зрѣтся, живота сый виновный, смерть подъят, оживѣти хотѣ всех.

128. Сего ради ко всем заповедем Твоим направляхся, всяк путь неправды возненавидех.

Прободаешия в ребра, и пригвождаешия, Владыко, руками, язву от ребра Ты исцеляя, и воздержаніе рук праотец.

129. Дивна свидѣнія Твоя, сего ради испытѣ я душа моя.

Прежде Рахѣлина сына плакаше всяк ѣже в дому, и Сына Дѣвы рыдаху ученик лик с Материю.

130. Явлѣние словес Твоих просвещает и вразумляет младенцы.

Ударѣние рук даша Христовой ланите, рукою человека создавшаго, и челюсти звѣря сокрушившаго.

131. Уста моя отверзох, и привлекох дух, яко заповедей Твоих желѣх.

Пѣсньми Твое, Христе, ныне распятіе и погребѣние, вси вернии празднуем, избавльшеся смѣрти погребѣнием Твоим.

Слава Отцу и Сыну и Святому Духу.

Безначальне Боже, Соприсносушне Слове и Душе Святыи, люди православныя в вере укрепѣ на ратныя, яко Благ.

И ныне и присно и во веки веков. Аминь.

Жизнь рождшая, Пренепорочная Чистая Дѣво, утоли церковныя соблазны, и подаждь мир яко Благая.

И паки первый припев оба лика вкупе.

Достойно есть величати Тя, Жизнодавца, на Кресте руже простершаго, и сокрушившаго державу вражию.

И начинаем третью статью, за еже священнику совершати каждое малое.

Статья третья

Первый лик поет со сладкопением, во глас 3:

Роди вси песнь погребѣнію Твоему приносят, Христе мой.

132. Призри на мя и помилуй мя, по суду любящих имя Твое.

Снем с древа иже от Аримафея, плащаницею обвив во гробе Тя погребает.

133. Стопы моя направи по словеси Твоему, и да не обладает мною всякое беззаконие.

Мирносицы приидоша мира Тебе, Христе мой, носящая премудро.

134. Избави мя от клеветы человеческия, и сохраню заповеди Твоя.

Гряди, вся тварь, песни исходныя принесем Зиждителю.

135. Лице Твое просвети на раба Твоего, и научи мя оправданием Твоим.

Яко мертва Живаго, с мирносицами вси миропомажем мудренно.

136. Исходища водная изведосте очи мои, понеже не сохраних закона Твоего.

Иосифе треблаженне, погреби тело Христа Жизнодавца.

137. Праведен еси, Господи, и прави суди Твои.

Ихже воспитана манною, воздвигоша пята на Благодетеля.

138. Заповедал еси правду, свидения Твоя, и истину зело.

Ихже воспитана манною, приносят Спасу желчь купно и оцет.

139. Истаяла мя есть ревность Твоя, яко забыша словеса Твоя врази мои.

О пребезумия, и христубийства прокоубийц!

140. Разжжено слово Твое зело, и раб Твой возлюбил е.

Якоже безумный служитель, предаде ученик Бездну Премудрости.

141. Юнейший аз есмь и унижен, оправданий Твоих не забых.

Избавителя оставив, пленник оставися лстивый Иуда.

142. Правда Твоя правда во век, и закон Твой истина.

По Соломону, ров глубокий уста еврей беззаконных.

143. Скорби и нужди обретоша мя, заповеди Твоя поучение мое.

В стропотных шествиих евреов беззаконных, волчцы и сѣти.

144. Правда свидѣния Твоя в век, вразуми мя, и жив буду.

Иосиф погребаѣт с Никодимом мертволѣпно Зиждителя.

145. Возвах всем сердцем моим, услыши мя, Господи, оправдания Твоя взыщу.

Жизнодавче Спасе, слава державе Твоей, ад разоршей.

146. Возвах Ти, спаси мя, и сохранию свидѣния Твоя.

Лежаща Тя Пречистая видящи, Слове, матеролѣпно плакаше.

147. Предварих в безгодии, и возвах, на словеса Твоя уповах.

О сладчайшая Моя Весно, сладчайшее Моѣ Чадо! где Твоя зайде доброта?

148. Предваристе очи мои ко утру, поучитися словесем Твоим.

Плач сподвизаше Всечистая Твоя Мати, Тебѣ, Слове, умершу.

149. Глас мой услыши, Господи, по милости Твоей, по судьбѣ Твоей живи мя.

Жены с мiры приидоша помазати Христа, Божественнаго Мiра.

150. Приближишася гонящии мя беззаконием, от закона же Твоего удалишася.

Смерть смертию Ты умерщвляеши, Боже мой, Божественною силою Твоею.

151. Близ еси Ты, Господи, и вси пути Твоя истина.

Прельстися прелестник, прельстивыйся избавляется, премудростию Твоею, Боже мой.

152. Исперва познах от свидѣний Твоих, яко во век основал я еси.

Во дно адово низведен бысть предатель, в кладенец истления.

153. Видь смирение мое, и изми мя, яко закона Твоего не забых.

Волчцы и сѣти пути треокайннаго безумнаго Иуды.

154. Суди суд мой, и избави мя, словесе ради Твоего живи мя.

Вси спогибают распинателие Твоя, Слове, Сыне Божий Всецарю.

155. Далече от грешник спасение, яко оправданий Твоих не взыскаша.

В кладенец истления вси спогибают мужие кровей.

156. Щедроты Твоя многи, Господи, по судьбе Твоей живи мя.

Сыне Божий Всецарю, Боже мой, Создателю мой, како страсть подъял еси?

157. Мнози изгонящии мя и стужающии ми, от свидений Твоих не уклонихся.

Юница Тельца на древе повешена зываше зрящи.

158. Видех неразумеваяущия и истаях, яко словес Твоих не сохраниша.

Тело живоносное Иосиф погребает с Никодимом.

159. Виждь, яко заповеди Твоя возлюбих, Господи, по милости Твоей живи мя.

Зываше Отроковица тепле слезы точащи, утробою прободяема.

160. Начало словес Твоих истина, и во век вся судьбы правды Твоея.

Свете очию Моєю, сладчайшее Моё Чадо, како во гробе ныне покрываешься?

161. Князи погнаша мя туне, и от словес Твоих убоюсь сердце моё.

Адама и Еву свободити, Мати, не рыдай, сия стражду.

162. Возрадуюсь аз о словесех Твоих, яко обретаяй корысть многу.

Прославляю Твоё, Сыне Мой, крайнее благоутробие, егже ради сия страждеши.

163. Неправду возненавидех и омерзих, закон же Твой возлюбих.

Оцтом напоён был еси и желчию, Щедре, древнее разрешая вкушение.

164. Седмерицею днем хвалих Тя, о судьбах правды Твоея.

На Кресте пригвоздился еси, древле люди Твоя столпом облачным покрываяй.

165. Мир мног любящим закон Твой, и несть им соблазна.

Мирносицы, Спасе, ко гробу пришедшия, мира принесоша Тебе.

166. Чаях спасения Твоего, Господи, и заповеди Твоя возлюбих.

Востáни, Щéдре, от прóпастей áдских возставляяй нас.

167. Сохрани́ душá моя свидéния Твоя́, и возлюбí я зело́.

Воскресни́ Жизнода́вче, рóждшая Тя́ Мáти, слéзы точáщи, глаго́лет.

168. Сохрани́х за́поведи Твоя́ и свидéния Твоя́, я́ко вси путиé мойí пред Тобóю, Гóсподи.

Потщíся воскресну́ти, печáль разрешáя, Сло́ве, чíсто рóждшия Тя.

169. Да прибли́жится молéние моé пред Тя, Гóсподи, по словесí Твоему́ вразумí мя.

Небéсныя сíлы ужасóшася стра́хом, мёртва Тя зря́ще.

170. Да вни́дет прошéние моé пред Тя, Гóсподи, по словеси́ Твоему́ избáви мя.

Любóвию же и стра́хом Стра́сти Твоя́ почита́ющим, даждь прегрешéний разрешéние.

171. Отры́гнут устне́ мой пéние, егда́ научи́ши мя оправдáнием Твои́м.

О ужáснаго и стрáннаго видéния, Бóжий Сло́ве! Ка́ко земл́я Тя спокрыва́ет?

172. Провещáет язýк мой словеса́ Твоя́, я́ко вся за́поведи Твоя́ прáвда.

Носяй Тя дрéвле, Спа́се, Ио́сиф бéгает, и ны́не Тя ины́й погребáет.

173. Да бýдет рука́ Твоя́ éже спасти́ мя, я́ко за́поведи Твоя́ изво́лих.

Пла́чет и рыда́ет Тя Пречи́стая Мáти Твоя́, Спа́се мой, умерщвлéннаго.

174. Возжела́х спасéние Твое́, Гóсподи, и закóн Твой поучéние моé есть.

Ужаса́ются умы́ стрáннаго и ужáснаго Теб́я, всех Создáтеля, погребéния.

175. Живá бýдет душá моя́, и восхва́лит Тя, и судьбы́ Твои́ помóгут мне.

Излия́ша на гроб миронóсицы мíра, зело́ ráно пришéдшия.

176. Заблудíх я́ко овча́ погíбшее, взыщи́ раба́ Твоего́, я́ко за́поведей Твои́х не забýх.

Мир Цéркви, лю́дем Твои́м спасéние да́руй востáнием Твои́м.

Сла́ва Отцу́ и Сы́ну и Свято́му Дýху.

О Троице Бóже мой, О́тче, Сýне и Дýше, помíлуй мир.

И ны́не и прíсно и во ве́ки веко́в. Ами́нь.

Видети Твоего́ Сýна Воскресéние, Дéво, сподóби Твоя рабý.

И абие совершает священник каждение всего храма.

Лик поет тропари, во глас 5:

Благословéн еси́, Гóсподи, научи́ мя оправдáнием Твоим.

Ангельский собóр удивíся, зря Тебé в мёртвых вменívшаяся, смёртную же, Спáсе, крéпость разорívшая, и с Собóю Адáма воздвígшая, и от áда вся свобóждша.

Благословéн еси́, Гóсподи, научи́ мя оправдáнием Твоим.

Почтó мíра с мíлостивными слезáми, о учени́цы растворя́ете? Блиста́йся во грóбе А́нгел миронóсицам вещáше: видите вы гроб, и уразумéйте, Спас бо воскресе́ от грóба.

Благословéн еси́, Гóсподи, научи́ мя оправдáнием Твоим.

Зелó рано миронóсицы теча́ху ко грóбу Твоему́ рыда́ющия, но предста́ к ним А́нгел и рече́: рыда́ния вре́мя преста́, не пла́чите, воскресéние же апóстолом рцýте.

Благословéн еси́, Гóсподи, научи́ мя оправдáнием Твоим.

Миронóсицы жены́, с мíры пришéдшия ко грóбу Твоему́, Спáсе, рыда́ху, А́нгел же к ним рече́, глаго́ля: что с мёртвыми Живáго помышля́ете? я́ко Бог бо воскресе́ от грóба.

Сла́ва Отцу́ и Сýну и Свято́му Дýху.

Поклонíмся Отцу́ и Его́ Сýнови и Свято́му Дýху, Святе́й Троице во Еди́ном Существе́, с Серафимы зову́ще: Свят, Свят, Свят еси́ Гóсподи.

И ны́не и прíсно и во ве́ки веко́в. Ами́нь.

Жизнода́вца ро́ждши, грехá Дéво Адáма избáвила еси́, ра́дость же Ёве в печáли мéсто подалá еси́, па́дшия же от жíзни, к сей напра́ви, из Тебé воплотívыйся Бог и Челове́к.

Аллилу́иа, аллилу́иа, аллилу́иа, сла́ва Тебé, Бóже. *(Трижды).*

Седален дне, глас 1

Плащаницею чистою и ароматы божественными тело честное, испросив у Пилата миропомазует, и полагает Иосиф в новом гробе. Темже уранше мироносицы жены, возопиша: покажи нам, якоже предрекл еси Христэ, воскресение.

Слава Отцу и Сыну и Святому Духу.

Покажи нам, якоже предрекл еси Христэ, воскресение.

И ныне и присно и во веки веков. Аминь.

Ужасошася лица ангельстии зряще Седящаго в недрах Отчих: како во гроб полагается яко мертв Безсмертный! Егоже чини ангельстии окружают и славят с мертвыми во аде, яко Зиждителя и Господа.

Псалом 50

Чтец: Помилуй мя, Бóже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих, яко да оправдишися во словесех Твоих, и победиши, внегда судити Ти. Се бо в беззакониях зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоей явил ми еси. Окропиши мя иссопом, и очищуся, омыеши мя, и паче снега убелюся. Слуху моему даши радость и веселие, возрадуются кости смиренные. Отврати лице Твое от грех моих и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бóже, Бóже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

И поем канон Великой Субботы, творение Марка монаха епископа Идрунтскаго от первых до шестых песни и господина Космы от шестых песни до конца. Ирмосы же творение некия жены Кассии именуемая.

Ирмосы по дважды, а тропари на 12. И паки последи ирмос оба лика вкупе. Глас 6.

Песнь 1

Ирмос: Волною морскою скрившаго древле гонителя мучителя, под землею скривша спасенных отроцы: но мы яко отроковицы, Господеви поим, славно бо прославися. *(Дважды)*.

Прпев: Слава Тебе, Боже наш, слава Тебе.

Господи Боже мой, исходное пение, и надгробную Тебе песнь воспую, погребением Твоим жизни моей входы отверзшему, и смертию смерть и ад умертвившему. *(4 раза)*.

Слава Тебе, Боже наш, слава Тебе.

Горé Тя на престóле, и до́ле во грóбе, премíрная и подзёмная помышляющая, Спа́се мой, зыбляхуся умерщвлéнием Твоим: па́че ума́ бо, виден был еси́ мертв, Живоначáльниче. *(4 раза)*.

Слава Тебе, Боже наш, слава Тебе.

Да Твоя славы вся исполниши, сшел еси́ в нижняя земли: от Тебе́ бо не скрився состав мой иже во Ада́ме, и погребён истлѣвша мя обновляеши, Человеколюбче. *(Дважды)*.

Слава Отцу́ и Сы́ну и Свято́му Ду́ху.

Да Твоей славы вся исполниши, сшел еси́ в нижняя земли: от Тебе́ бо не скрився состав мой иже во Ада́ме, и погребён истлѣвша мя обновляеши, Человеколюбче.

И ны́не и прісно и во ве́ки веко́в. Ами́нь.

Да Твоей славы вся исполниши, сшел еси́ в нижняя земли: от Тебе́ бо не скрився состав мой иже во Ада́ме, и погребён истлѣвша мя обновляеши, Человеколюбче.

Ирмос: Волною морскою скрившаго древле, гонителя мучителя, под землею скривша спасенных отроцы: но мы яко отроковицы, Господеви поим, славно бо прославися.

Песнь 3

Ирмос: Тебе́, на вода́х повесившаго всю зéмлю неодо́ержимо, тварь видевши на Лóбнем вѣсима, ўжасом мно́гим содрога́шеся, несть свят, разве Тебе́, Господи, взыва́ющи. *(Дважды)*.

Сла́ва Тебе́, Бо́же наш, сла́ва Тебе́.

Образы погребения Твоего́ показáл еси́, видения умно́жив: ны́не же сокровенная Твоя́ богому́жно уясни́л еси́, и су́щим во а́де Влады́ко, несть свят, раз́ве Тебе́, Го́споди, взыва́ющим. *(4 раза)*.

Сла́ва Тебе́, Бо́же наш, сла́ва Тебе́.

Просте́рл еси́ длáни, и соедини́л еси́ дрéвле разстоя́щаяся: одея́нием же, Спа́се, е́же в плащани́це и во грóбе, оковáнные разреши́л еси́, несть свят, раз́ве Тебе́, Го́споди, взыва́ющия. *(4 раза)*.

Сла́ва Тебе́, Бо́же наш, сла́ва Тебе́.

Грóбом и печа́тьми, Невместíme, содержи́мь был еси́ хотéнием, и́бо си́лу Твою́ де́йствы показáл еси́, богоде́йственно пою́щим: несть свят, раз́ве Тебе́, Го́споди Человеколю́бче. *(Дважды)*.

Сла́ва Отцу́ и Сы́ну и Свято́му Ду́ху.

Грóбом и печа́тьми, Невместíme, содержи́мь был еси́ хотéнием, и́бо си́лу Твою́ де́йствы показáл еси́, богоде́йственно пою́щим: несть свят, раз́ве Тебе́, Го́споди Человеколю́бче.

И ны́не и прísно и во ве́ки веко́в. Ами́нь.

Грóбом и печа́тьми, Невместíme, содержи́мь был еси́ хотéнием, и́бо си́лу Твою́ де́йствы показáл еси́, богоде́йственно пою́щим: несть свят, раз́ве Тебе́, Го́споди Человеколю́бче.

Ирмос: Тебе́, на вода́х повеси́вшего всю зéмлю неодо́ержимо, тварь ви́девши на Лóбнем ви́сима, у́жасом мно́гим содрога́шися, несть свят раз́ве, Тебе́, Го́споди, взыва́ющи.

Ектения малая

Па́ки и па́ки ми́ром Го́споду помóлимся.

Лик: Го́споди, помíлуй.

Заступи́, спаси́, помíлуй и сохрани́ нас, Бо́же, Твое́ю благода́тию.

Лик: Го́споди, помíлуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Ты еси Бог наш и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Седален, глас 1:

Гроб Твой, Спасе, воины стрегущии, мертви от облистания явльшагося Ангела быша, проповедающая женам воскресение. Тебе славим тли потребителя, Тебе припадаем воскресшему из гроба, и единому Богу нашему.

Слава Отцу и Сыну и Святому Духу, и ныне и присно и во веки веков. Аминь.

Гроб Твой, Спасе, воины стрегущии, мертви от облистания явльшагося Ангела быша, проповедающая женам воскресение. Тебе славим тли потребителя, Тебе припадаем воскресшему из гроба, и единому Богу нашему.

Песнь 4

Ирмос: На Кресте Твое Божественное истощание провидя Аввакүм, ужасся вопияше: Ты сильных пресеки еси державу, Блаже, приобщаяся сущим во аде, яко Всесилен. *(Дважды)*.

Слава Тебе, Боже наш, слава Тебе.

Седмый день днесь освятил еси, егоже древле благословил еси упокоением дел: преводиши бо всяческая и обновляеши, субботаствуя, Спасе мой, и назидая. *(4 раза)*.

Слава Тебе, Боже наш, слава Тебе.

Силою лучшаго, победившаго Тебе, от плоти душа Твоя разделися: растерзаючи бо обою узы, смерти и ада, Слове, державою Твоею. *(4 раза)*.

Слава Тебе, Боже наш, слава Тебе.

Ад, Слове, срет Тя огорчися, Человека зря обожена, уязвлена ранами, и Всесильнодетеля, страшным же зраком погибе. *(Дважды)*.

Слава Отцу и Сыну и Святому Духу.

Ад, Сло́ве, срет Тя огорчи́ся, Чело́века зря обоже́на, уязвлена ра́нами, и Всесильноде́теля, стра́шным же зра́ком поги́бе.

И ны́не и присно и во ве́ки веко́в. Ами́нь.

Ад, Сло́ве, срет Тя огорчи́ся, Чело́века зря обоже́на, уязвлена ра́нами, и Всесильноде́теля, стра́шным же зра́ком поги́бе.

Ирмос: На Кресте́ Твое́ Божество́нное истоща́ние прови́дя Авваку́м, ужася́ вопия́ше: Ты си́льных пресе́кл еси́ держа́ву, Бла́же, приобща́лся су́щим во а́де, я́ко Всеси́лен.

Песнь 5

Ирмос: Богояв́ления Твоего́, Христе́, к нам ми́лостивно б́ывшаго, Иса́иа свет ви́дев невече́рний, из но́щи у́треневав взыва́ше: воскресе́нут ме́ртвии, и воста́нут су́щии во гробе́х, и вси земноро́днии возра́дуются. *(Дважды)*.

Сла́ва Тебе́, Бо́же наш, сла́ва Тебе́.

Новотвори́ши земны́я Созда́телю, пе́рстен быв, и плащани́ца и гроб явля́ют е́же в Тебе́, Сло́ве, та́инство: благообра́зный бо сове́тник, Тебе́, ро́ждшаго сове́т, образу́ет, в Тебе́ велеле́пно новотворя́щаго мя. *(4 раза)*.

Сла́ва Тебе́, Бо́же наш, сла́ва Тебе́.

Сме́ртию сме́ртное, погребени́ем тле́нное прелага́еши, нетле́нно твори́ши бо, боголе́пно безсме́ртно творя́ прия́тие: плоть бо Твоя́ истле́ния не ви́де, Влады́ко, ниже́ душа́ Твоя́ во а́де странноле́пно оста́влена бысть. *(4 раза)*.

Сла́ва Тебе́, Бо́же наш, сла́ва Тебе́.

Из Небра́чныя проше́д, и прободён в ре́бра, Соде́телю мой, из Нея́ соде́лал еси́ обновле́ние Ёвино, Ада́м быв, усну́в па́че естества́ сном есте́ственным, и жизнь воздвигну́в от сна и тле́ния я́ко Всеси́лен. *(Дважды)*.

Сла́ва Отцу́ и Сы́ну и Свято́му Ду́ху.

Из Небра́чныя проше́д, и прободён в ре́бра, Соде́телю мой, из Нея́ соде́лал еси́ обновле́ние Ёвино, Ада́м быв, усну́в па́че естества́ сном есте́ственным, и жизнь воздвигну́в от сна и тле́ния я́ко Всеси́лен.

И ны́не и присно и во ве́ки веко́в. Ами́нь.

Из Небращныя прошэд, и прободэн в рѣбра, Содѣтелю мой, из Нея соделал еси обновлѣние Ёвино, Адам быв, уснув паче естества сном естественным, и жизнь воздвигнув от сна и тлѣния яко Всесилен.

Ирмос: Богоявлѣния Твоего, Христѣ, к нам милостивно бывшаго, Исаиа свет видев невечерний, из нощи утреневав зываше: воскреснут мертвии, и востанут сущии во гробѣх, и вси земнороднии возрадуются.

Песнь 6

Ирмос: Ят бысть, но не удержан в персех китовых Иона: Твой бо образ нося, страдавшаго, и погребѣнию давшагося, яко от чертога от зверя изыде, приглашаше же кустодии: хранящии суетная и ложная, милость сию оставили естѣ. *(Дважды)*.

Слава Тебѣ, Божѣ наш, слава Тебѣ.

Биен был еси, но не разделился, еси, Слове, еяже причастился еси плоти: аще бо и разорился Твой храм во время страсти, но и тако един бе состав Божества и плоти Твоея. Во обоих бо един еси Сын, Слово Божие, Бог и Человек. *(4 раза)*.

Слава Тебѣ, Божѣ наш, слава Тебѣ.

Человекоубийственно, но не богоубийственно бысть прегрешѣние Адамово: аще бо и пострадал Твоея плоти перстное существо, но Божество безстрастно пребысть: тлѣнное же Твое на нетлѣние преложил еси, и нетлѣнная жизни показал еси источник Воскресением. *(4 раза)*.

Слава Тебѣ, Божѣ наш, слава Тебѣ.

Царствует ад, но не вѣчнует над родом человеческим: Ты бо положен во гробѣ, Державне, живоначальною дланию, смерти ключи развергл еси, и проповѣдал еси от века тамо спящим избавлѣние неложное, быв, Спасе, мертвым первенец. *(Дважды)*.

Слава Отцу и Сыну и Святому Духу.

Царствует ад, но не вѣчнует, над родом человеческим: Ты бо положен во гробѣ, Державне, живоначальною дланию, смерти ключи развергл еси, и проповѣдал еси от века тамо спящим избавлѣние неложное, быв, Спасе, мертвым первенец.

И ныне и присно и во веки веков. Аминь.

Царствует ад, но не вѣчнует, над родом человеческим: Ты бо положен во гробе, Державне, живоначальною дланию, смерти ключи развергл еси, и проповедал еси от века тамо спящим избавление неложное, быв, Спасе, мертвым первенец.

Ирмос: Ят бысть, но не удержан в персех китовых Иона: Твой бо образ нося, страдавшего, и погребению давагося, яко от чертога от зверя изыде, приглашаше же кустодии: хранящие суетная и ложная, милость сию оставили есте.

Ектения малая

Паки и паки миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Ты бо еси Царь мира и Спас душ наших, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Кондак, глас 6

Бездну заключивый, мертв зрится, и смиренною и плащаницею обвився, во гробе полагается яко смертный Безсмертный: жены же приидоша помазати Его миром, плачущия горько и вопиющия: сия суббота есть преблагословенная, в нейже Христос уснув, воскреснет тридневен.

Икос: Содержай вся на Крест вознесся, и рыдает вся тварь, Того видящи нага висяща на древе, солнце лучи сокры и звезды отложиша свет, земля же со многим страхом поколебася, и море побеже, и камень распался, гроби же мнози отверзашася, и телеса восташа святых мужей. Ад низу стенет, и иудеи советуют оклеветати Христово Воскресение, жены же взывают: сия суббота есть преблагословенная, в нейже Христос уснув, воскреснет тридневен.

Песнь 7

Ирмос: Неизреченное чудо, в пещи избавивый преподобныя отроки из пламене, во гробе мертв бездыханен полагається, во спасение нас поющих: Избавителю Боже, благословен еси. *(Дважды)*.

Слава Тебе, Боже наш, слава Тебе.

Уязвися ад, в сердце прием Уязвенаго копием в ребра, и въздыхает огнем божественным иждиваемь, во спасение нас поющих: Избавителю Боже, благословен еси. *(Трижды)*.

Слава Тебе, Боже наш, слава Тебе.

Богат гроб, в себе бо прием яко спяща Содетеля, жизни Божественное сокровище показася, во спасение нас поющих: Избавителю Боже, благословен еси. *(Трижды)*.

Слава Тебе, Боже наш, слава Тебе.

Законом умерших еже во гробе положение, всех приемлет жизнь, и сего источника показует востания, во спасение нас поющих: Избавителю Боже, благословен еси. *(Трижды)*.

Слава Тебе, Боже наш, слава Тебе.

Едино быше неразлучное, еже во аде, и во гробе, и во Едеме Божество Христово, со Отцем и Духом, во спасение нас поющих: Избавителю Боже, благословен еси.

Слава Отцу и Сыну и Святому Духу.

Едино быше неразлучное, еже во аде, и во гробе, и во Едеме Божество Христово, со Отцем и Духом, во спасение нас поющих: Избавителю Боже, благословен еси.

И ныне и присно и во веки веков. Аминь.

Едино быше неразлучное, еже во аде, и во гробе, и во Едеме Божество Христово, со Отцем и Духом, во спасение нас поющих: Избавителю Боже, благословен еси.

Ирмос: Неизреченное чудо, в пещи избавивый преподобный отроки из пламене, во гробе мертв бездыханен полагається, во спасение нас поющих: Избавителю Боже, благословен еси.

Песнь 8

Ирмос: Ужасніся бояйся не́бо, и да подвѣжатся основанія землі: се бо в мертвецѣх вменяется в вѣшних Живѣй, и во гроб мал страннопріѣмлется. Егѡже ѡтроцы благословіте, священницы воспѡйте, людіе превозносите во вся вѣки. *(Дважды)*.

Сла́ва Тебе́, Бо́же наш, сла́ва Тебе́.

Разрушіся Пречістый Храм, па́дшую же совозставляет скі́нию: Ада́му бо пѣрвому Вторѣй, Ёже в вѣшних Живѣй, сніде да́же до а́довых сокровищ. Егѡже ѡтроцы благословіте, священницы воспѡйте, людіе превозносите во вся вѣки. *(4 раза)*.

Сла́ва Тебе́, Бо́же наш, сла́ва Тебе́.

Преста́ дерзость ученико́в, Аримафе́й же изрядствует Ио́сиф: ме́ртва бо и на́га зря над все́ми Бо́га, про́сит и погребает, зовѣй: ѡтроцы благословіте, священницы воспѡйте, людіе превозносите во вся вѣки. *(4 раза)*.

Сла́ва Тебе́, Бо́же наш, сла́ва Тебе́.

О чудес но́вых! О бла́гости! О неизрече́ннаго терпе́ния! Во́лею бо под землёю печатле́ется, Ёже в вѣшних Живѣй, и яко льсте́ц Бог оклеветает́ся. Егѡже ѡтроцы благословіте, священницы воспѡйте, людіе превозносите во вся вѣки. *(Дважды)*.

Благословім Отца́ и Сы́на и Свята́го Ду́ха, Го́спода.

О чудес но́вых! О бла́гости! О неизрече́ннаго терпе́ния! Во́лею бо под землёю печатле́ется, Ёже в вѣшних Живѣй, и яко льсте́ц Бог оклеветает́ся. Егѡже ѡтроцы благословіте, священницы воспѡйте, людіе превозносите во вся вѣки.

И ны́не и прісно и во вѣки веко́в. Ами́нь.

О чудес но́вых! О бла́гости! О неизрече́ннаго терпе́ния! Во́лею бо под землёю печатле́ется, Ёже в вѣшних Живѣй, и яко льсте́ц Бог оклеветает́ся. Егѡже ѡтроцы благословіте, священницы воспѡйте, людіе превозносите во вся вѣки.

Хва́лим, благословім, покланя́емся Го́сподеву, пою́ще и превознося́ще во вся вѣки.

Ирмос: Ужасніся бояйся не́бо, и да подвѣжатся основанія землі: се бо в мертвецѣх вменяется в вѣшних Живѣй, и во гроб мал страннопріѣмлется. Егѡже ѡтроцы благословіте, священницы воспѡйте, людіе превозносите во вся вѣки.

Песнь 9

Ирмос: Не рыдай Мене, Мати, зрящи во гробе, Егже во чреве без семени зачала еси Сына: востану бо и прославлюся, и вознесу со славою непрестанно, яко Бог, верую и любовьию Тя величающия. *(Дважды)*.

Слава Тебе, Боже наш, слава Тебе.

В страннем Твоем рождестве, болезней избежавше паче естества, убожися Безначальне Сыне: ныне же Ты, Боже Мой, бездыханна зрящи мертва, оружием печали растерзаюся люте, но воскресни, яко да возвеличуся. *(4 раза)*.

Слава Тебе, Боже наш, слава Тебе.

Земля покрывает Мя хотяща, но устрашаются адовы вратницы, одяна видяще одеждою окровавленою, Мати, отщениа: враги бо Крестом поразив яко Бог, воскресну паки, и возвеличу Тя. *(4 раза)*.

Слава Тебе, Боже наш, слава Тебе.

Да радуется тварь, да веселятся вси земнороднии, враг бо пленися ад: с мiры жены да сретают, Адама со Евою избавляю всеродна, и в третий день воскресну. *(Дважды)*.

Слава Отцу и Сыну и Святому Духу.

Да радуется тварь, да веселятся вси земнороднии, враг бо пленися ад: с мiры жены да сретают, Адама со Евою избавляю всеродна, и в третий день воскресну.

И ныне и присно и во веки веков. Аминь.

Да радуется тварь, да веселятся вси земнороднии, враг бо пленися ад: с мiры жены да сретают, Адама со Евою избавляю всеродна, и в третий день воскресну.

Ирмос: Не рыдай Мене, Мати, зрящи во гробе, Егже во чреве без семени зачала еси Сына: востану бо и прославлюся, и вознесу со славою непрестанно, яко Бог, верую и любовьию Тя величающия.

Таже диакон глаголет вместо светильна, во глас 2:

Свят Господь Бог наш.

Лик: Свят Господь Бог наш.

Диакон, стих 1: Яко Свят Господь Бог наш.

Лик: Свят Господь Бог наш.

Диакон, стих 2: Над всеми людьми Бог наш.

Лик: Свят Господь Бог наш.

Глас тойже: Всякое дыхание да хвалит Господа. Хвалите Господа с небес, хвалите Его в вышних. Тебе подобает песнь Богу.

Хвалите Его, вси Ангели Его, хвалите Его, вся силы Его. Тебе подобает песнь Богу.

И по чину вся стихи:

Хвалите Его, солнце и луна, хвалите Его, вся звезды и свет. Хвалите Его, небеса небес и вода, яже превыше небес. Да восхвалят имя Господне: яко Той рече, и быша, Той повеле, и создашася. Посташи я в век и в век века, повеление положи, и не мимо идет. Хвалите Господа от земли, змиеве и вся бездны. Огонь, град, снег, голодь, дух бурен, творящая слово Его, горы и вси холми, древа плодоносна и вси кедри, зверие и вси скоти, гади и птицы пернаты. Царие земстии и вси людие, князи и вси судий земстии, юноши и девы, старцы с юнотами да восхвалят имя Господне, яко вознесся имя Того Единого, исповедание Его на земли и на небеси. И вознесет рог людей Своих: песнь всем преподобным Его, сыновом Израилевым, людем, приближающимся Ему.

Воспойте Господеву песнь нову, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпани и псалтири да поют Ему. Яко благоволит Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царя их пуги, и славы их ручными окovy железными.

На 6: Сотворити в них суд написан. Слава сия будет всем преподобным Его.

Хвалите Бога во святых Его, хвалите Его во утвержении силы Его.

На 4, стих: Хвалите Его на силах Его, хвалите Его по множеству величества Его.

На хвалитех стихиры самогласны, глас 2:

Днесь содержит гроб Содержащаго дланию тварь, покрывает камень Покрывшаго добродетелию небеса, спит Живот, и ад трепещет, и Адам от уз

разрешается. Слава Твоему смотрению, иже совершив все упокоение вечное, даровал еси нам, Боже, всесвятое из мертвых Твое воскресение.

Стих: Хвалите Его во гласе трубнем, хвалите Его во псалтири и гуслах.

Что зримое видение? Кое настоящее упокоение? Царь веков, Иже страстию совершив смотрение, во гробе субботствует, новое нам подав субботство, Тому возопийм: воскресни, Боже, судья земли, яко Ты царствуеши во веки, неизмерную имеяй велию милость.

Стих: Хвалите Его в тимпанах и лице, хвалите Его во струнах и органе.

Приидите видим живот наш во гробе лежащ, да во гробех лежащая оживит. Приидите днесь иже из Иуды спяща зряще, пророчески Ему возопийм: возлег уснул еси яко лев, кто воздвигнет Тя, Царю? Но востани самовластно, давший Себе о нас волею, Господи, слава Тебе.

Стих: Хвалите Его в кимвалех доброгласных, хвалите Его в кимвалех восклицания. Всякое дыхание да хвалит Господа.

Глас 6: Проси Иосиф тело Иисусово, и положи е в новом своем гробе: подобаше бо Ему из гроба, яко из чертога проити. Сокрушивый державу смерти, и отверзый врата райская человеком, Господи, слава Тебе.

Слава Отцу и Сыну и Святому Духу.

Глас тойже: Днешний день тайно великий Моисей прообразоваше, глаголя: и благословен Бог день седьмый, сия бо есть благословенная суббота. Сей есть упокоения день, вонже почи от всех дел Своих Единородный Сын Божий, смотрением еже на смерть, плотию субботствовал: и во еже бе, паки возвращая воскресением, дарова нам живот вечный, яко един Благ и Человеколюбец.

И ныне и присно и во веки веков. Аминь.

Глас 2: Преблагословенна еси, Богородице Дево, воплощшим бо ся из Тебе ад пленися, Адам возвася, клятва потребися, Ева свободися, смерть умертвися и мы ожихом. Тем воспевающе вопиём: благословен Христос Бог благоволивый тако, слава Тебе.

При пении хвалитных стихир настоятель облачается во вся священныя одежды и при пении стихир: Преблагословенна еси, Богородице Дево... царскими вратами исходит с прочими клириками на середину храма к Плащанице.

Священник: Слава Тебе, показавшему нам свет.

Лик: Сла́ва в вѣшнихъ Бѣгу, и на землѣи миръ, в чело́вѣцехъ благово́леніе. Хва́лимъ Тя, благосло́вимъ Тя, кланя́емъ Ти ся, славосло́вимъ Тя, благода́римъ Тя, вели́кія ра́ди сла́вы Твоея́. Го́споди Царю́ Небе́сный, Бо́же о́тче Вседержи́телю, Го́споди Сы́не Единоро́дный Иису́се Христе́ и Святы́й Ду́ше. Го́споди Бо́же, А́гнче Бо́жий, Сы́не Оте́чь, взѣмля́й грехъ міра, поми́луй нас: взѣмля́й грехи́ міра, приими́ моли́тву на́шу. Седя́и одесну́ю Отца́, поми́луй нас. Яко́ Ты еси́ еди́н Святъ, Ты еси́ еди́н Госпо́дь, Иису́с Христо́с, в сла́ву Бо́га Отца́. Ами́нь.

На всякъ день благословлю́ Тя и восхваляю́ имя́ Твое́ во вѣки и в векъ вѣка.

Сподѣ́би, Го́споди, в день сей без греха́ сохра́нѣтися намъ. Благословѣ́н еси́, Го́споди Бо́же о́тецъ на́ших, и хва́льно и просла́влено имя́ Твое́ во вѣки. Ами́нь.

Бу́ди, Го́споди, ми́лость Твоя́ на нас, я́коже упова́хом на Тя.

Благословѣ́н еси́, Го́споди, научи́ мя оправда́ниемъ Твои́мъ. Благословѣ́н еси́, Го́споди, научи́ мя оправда́ниемъ Твои́мъ. Благословѣ́н еси́, Го́споди, научи́ мя оправда́ниемъ Твои́мъ.

Го́споди, прибѣжи́ще былъ еси́ намъ в родъ и родъ. Азъ рехъ: Го́споди, поми́луй мя, исцели́ ду́шу мою́, я́ко согрешихъ Тебѣ́. Го́споди, къ Тебѣ́ прибе́гохъ, научи́ мя твори́ти во́лю Твою́, я́ко Ты еси́ Богъ мой: я́ко у Тебѣ́ исто́чникъ живота́, во свѣте́ Твоѣмъ у́зримъ свѣтъ. Проба́ви ми́лость Твою́ веду́щимъ Тя.

Святы́й Бо́же, Святы́й Кре́пкій, Святы́й Безсме́ртный, поми́луй нас. *(Трижды).*

Сла́ва Отцу́ и Сы́ну и Свято́му Ду́ху и ны́не и прѣсно и во вѣки веко́в. Ами́нь.

Святы́й Безсме́ртный, поми́луй нас.

В конце́ же славословія высочайши́мъ гласомъ:

Святы́й Бо́же, Святы́й Кре́пкій, Святы́й Безсме́ртный, поми́луй нас.

Пою́му же вели́кому славословію, предстоя́тель кадитъ съ диакономъ окрестъ Плащаницы. Егда́ же певцы́ пою́тъ заключи́тельное Святы́й Бо́же... предстоя́тель вземлетъ съ Плащаницы Евангеліе, полага́етъ его́ себѣ на главу́, а по верхъ него́ Плащаницу, ю́же поддержа́ваютъ прочіи́ священни́цы. И обно́сятъ Плащаницу́ вокругъ храма́ при многократномъ пѣнии́ Святы́й Бо́же...

Войдя́ въ храмъ, Плащаницу́ поднося́тъ къ царскимъ врата́мъ, и предстоя́тель возглаша́етъ:

Пре́мудрость, прѣсти.

И возвращаются с Плащаницею на середину храма, полагаяще ю на прежнем месте. Предстоятель совершает каждение окрест Плащаницы единожды.

Клирицы же поют тропарь, глас 2-й, единожды:

Благообразный Иосиф, с древа снем пречистое тело Твое, плащаницею чистою обвив, и вонями во гробе нове покрыв положи.

Тропарь пророчества глас 2

Чтец: Содержай концы, гробом содержиися изволил еси, Христе, да от адова поглощения избавиши человечество, и воскрес живиши нас, яко Бог Безсмертный.

Слава Отцу и Сыну и Святому Духу.

Воскрес живиши нас, яко Бог Безсмертный.

И ныне и присно и во веки веков. Аминь.

Содержай концы, гробом содержиися изволил еси, Христе, да от адова поглощения избавиши человечество, и воскрес живиши нас, яко Бог Безсмертный.

Диакон: Вонмем.

Чтец: Прокимен, глас четвертый:

Воскресни, Господи, помози нам и избави нас имене ради Твоего.

Лик: Воскресни, Господи, помози нам и избави нас имене ради Твоего.

Чтец, стих: Боже, ушима нашими услышахом, и отцы наши возвестиша нам.

Лик: Воскресни, Господи, помози нам и избави нас имене ради Твоего.

Чтец: Воскресни, Господи, помози нам.

Лик: И избави нас имене ради Твоего.

Диакон: Премудрость.

Чтец: Пророчества Иезекиилева чтение (Иез.37:1–14).

Диакон: Вонмем.

Чтец: Бѣсть на мене рука Господня, и изведе мя в душе Господни, и постави мя среди поля, се же быше полно костей человеческих. И обведе мя окрест их около, и се многи зело на лица поля, и се сухи зело. И рече ко мне: сыне человець, оживут ли кости сия? И рекох: Господи Боже, Ты веши сия. И рече ко мне: сыне человець, прорцы на кости сия, и речеши им: кости сухия, слышите слово Господне. Се глаголет Адонай Господь костем сим: се аз введу в вас дух животен. И дам на вас жили, и возведу на вас плоть, и простру по вам кожу, и дам дух Мой в вас, и оживете, и увесте, яко аз есмь Господь. И прорекох, якоже заповеда ми Господь, и бысть глас вегда ми пророчествовати, и се трус, и совокупляхуся кости, кость к кости, каждо к составу своему. И видех, и се быша им жили и плоть растяше, и восхождаше, (и протяжеса) им кожа верху, духа же не быше в них. И рече ко мне: прорцы о душе, прорцы, сыне человець, и рцы духови: сия глаголет Адонай Господь: от четырех ветров прииди, душе, и вдуни на мертвыя сия, и да оживут. И прорекох, якоже повеле ми, и вниде в ня дух жизни, и ожиша, и сташа на ногах своих, собор мног зело. И рече Господь ко мне, глаголя: сыне человець, сия кости весь дом Израилев есть, тии бо глаголют: сухи быша кости наша, погибе надежда наша, убиени быхом. Того ради прорцы (сыне человець), и рцы к ним, сия глаголет Адонай Господь: се аз отверзу гробы ваша, и изведу вас от гроб ваших, людие Мои, и введу вы в землю Израилеву. И увесте, яко аз есмь Господь, вегда отверсти Ми гробы ваша, яже возвести Ми вас от гробов ваших, людие Мои: и дам Дух Мой в вас, и живи будете. И поставлю вы на земли вашей, и увесте, яко аз Господь: глаголах, и сотворю, глаголет Адонай Господь.

Диакон: Воннем.

Чтец: Прокимен, глас седмый:

Воскресни, Господи, Боже мой, да вознесется рука Твоя, не забуди убогих Твоих до конца.

Лик: Воскресни, Господи, Боже мой, да вознесется рука Твоя, не забуди убогих Твоих до конца.

Чтец, стих: Исповемся Тебя, Господи, всем сердцем моим, повем вся чудеса Твоя.

Лик: Воскресни, Господи, Боже мой, да вознесется рука Твоя, не забуди убогих Твоих до конца.

Чтец: Воскресни, Господи, Боже мой, да вознесется рука Твоя.

Лик: Не забуди убогих Твоих до конца.

Диакон: Премудрость.

Чтец: К Коринфяном послания святаго апостола Павла чтение ([1Кор.5:6–8](#); [Гал.3:13–14](#)).

Диакон: Воннем.

Чтец: Братие, мал квас все смешение квасит. Очистите убо ветхий квас, да будете ново смешение, якоже есте безквасни: ибо Пасха наша за ны пожрен бысть Христос. Темже да празднуем, не в квасе ветсе, ни в квасе злобы и лукавства, но в безквасиих чистоты и истины. Христос ны искупил есть от клятвы законныя, быв по нас клятва. Писано бо есть: проклят всяк висий на древе. Да в языцех благословение Авраамле будет о Христе Иисусе, да обетование Духа приимем верою.

Священник: Мир ти.

Чтец: И духови твоему.

Диакон: Премудрость.

Чтец: Аллилуиа, аллилуиа, аллилуиа.

Стих: Да воскреснет Бог, и расточатся врази Его, и да бежат от лица Его ненавидящи Его.

Лик: Аллилуиа, аллилуиа, аллилуиа.

Чтец, стих: Яко исчезает дым, да исчезнут, яко тает воск от лица огня.

Лик: Аллилуиа, аллилуиа, аллилуиа.

Чтец, стих: Тако да погибнут грешницы от лица Божия, а праведницы да возвеселятся.

Лик: Аллилуиа, аллилуиа, аллилуиа.

Диакон: Премудрость, прости, услышим Святаго Евангелия.

Священник: Мир всем.

Лик: И духови твоему.

Священник: От Матфея Святаго Евангелия чтение ([Мф.27:62–66](#)).

Во утрий день, иже есть по пятце, собрашася архиерее и фарисее к Пилату, глаголюще: господи, помянухом, яко лстец Он рече еще сый жив: по трех днех востану. Повеле убо утвердити гроб до третияго дне, да не како пришедше ученицы Его ноцию украдут Его, и рекут людем: воста от мертвых,

и будет последняя леть горша первая. Рече же им Пилат: имате кустодию, идите утвердите, якоже весте. Они же шедше утвердиша гроб, знаменовавше камень с кустодиею.

Лик: Слава Тебе, Господи, слава Тебе.

ЗАТЕМ СЛЕДУЕТ ОБЫЧНЫЙ ПЕРВЫЙ ЧАС.

